



## PHB pupuk literasi kewangan pelajar UMS



TIMBALAN Pengurus Besar/Ketua Pengurusan Sumber Manusia PHB, Saifulbahari Ab Rahman menyerahkan Unit Amanah Hartanah Bumiputera kepada Kasim Mansor sempena penutup program Minggu Pelaburan 2023 Fakulti Perniagaan, Ekonomi dan Perakaunan di UMS, Kota Kinabalu.

Oleh SURAIDAH ROSLAN 12 Jun 2023, 6:15 am

PELABURAN Hartanah Berhad (PHB) sebagai penaja Amanah Hartanah Bumiputera (AHB), mengorak langkah di dalam penglibatan bersama belia dengan menyampaikan unit AHB bernilai RM20,000 kepada Universiti Malaysia Sabah (UMS).

Inisiatif itu bakal memberi manfaat kepada 200 pelajar bumiputera UMS yang layak, dengan setiap pelajar menerima 100 unit AHB secara percuma bagi memupuk literasi kewangan dan menggalakkan pelajar memulakan pelaburan demi kemakmuran masa depan mereka.



Majlis penyampaian unit AHB diadakan di UMS yang merupakan sebahagian daripada program Minggu Pelaburan 2023 anjuran Fakulti Perniagaan, Ekonomi dan Perakaunan.

Naib Canselor UMS, Prof. Datuk Dr. Kasim Mansor merakamkan penghargaan di atas sumbangan PHB dan percaya inisiatif sebegini dapat membantu pelajar UMS memupuk sikap positif terhadap aktiviti pelaburan dan melengkapkan mereka dengan kemahiran yang diperlukan untuk membuat keputusan kewangan yang baik di masa hadapan. –

UTUSAN

*Ikuti kami di saluran media sosial: [Facebook](#), [Twitter](#), [Instagram](#), [Youtube](#), [Telegram](#) & [TikTok](#)*